



Kat Komp.
40573
I Mag. St. Dr. P

Paulo.


Febr. 3258.

Canonisatio B. Vincentii a Paulo.

Cracoviae Typ. Univ. (1738)

4IV.3.35

XIV. 8.35



CANONISATIO B. VINCENTII à PAULO,

Fundatoris Presbyterorum Sæcularium Con-
gregationis Missionis, & Societatis Puella-
rum, quæ Charitatis nuncupantur.



CRACOVIAE TYPIS UNIVERSITATIS.

40593T



CANONISATIO B. VINCENTII A PAULO,

Fundatoris Presbyterorum Sæcularium Congregati-
onis Missionis, & Societatis Puellarum, quæ
Charitatis nuncupantur.

CLEMENSE EPISCOPUS Servus Servorum Dei.

Ad perpetuam rei memoriam.

S.I.

UPERNA Jerusalem, & Beata DEI vi-
ventis Civitas, in quâ à cælesti Pâtre
Familias unus æternæ vitæ denarius æ-
qualiter omnibus, qui in Vinea sua
operati sunt, distribuitur, habet diver-
sa loca, & Mansiones, quas quisque
pro suo accepturus est merito. Itaque
anxios Apostolos de morte Christi, &
de sua infirmitate trepidos, & de futuro præmio sollicitos,
cum audivissent Petrum promptiorem animo, ac fidentiorem, &
qui cæterorum Caput, & Princeps constitutus fuerat, ter Do-

A2

minum

minum ad Galli cantum negaturum, solatus est Christus Domi-
 nus, dicens: In domo Patris mei Mansiones multæ sunt; signifi-
 cans his verbis, quod nemo eorum, licet alius alio fortior, aliis
 alio infirmior, alius alio justior, ab illa felici domo excluderetur,
 in qua multæ essent māsiones, nempe diversæ meritorū in una vi-
 ta æterna dignitates. Siquidem alia est claritas solis, alia claritas
 Lunæ, alia claritas Stellarum, Stella enim a Stella differt in clari-
 tate. Et non una expressa est in Evangelio fæcunditas; nam facit
 aliud quidem centesimum, aliud autem sexagesimum, aliud vero
 trigesimum: ubi centenus fructus Martyribus, sexagenarius Virgi-
 nibus, alias aliis assignatur. Multæ igitur in domo DEI Mansio-
 nes, non una Stellarum claritas, non idem, sed multiplex est
 fructus; ita etiam non una est corona, quæ tempore persecutio-
 nis accipitur: habet & pax coronas suas, quibus de varia, & mul-
 tiplici congressione Victores, prostrato & subacto adversario,
 coronantur; libidinem subegisse, continentiae palma est: Contra
 iram, contra injuriam repugnare, corona patientiae est: De ava-
 ritia triumphus est: pecuniam spernere: Laus est fidei fiducia fu-
 turorum mundi adversa tolerare; & qui superbus in prosperis
 non est, gloriam de humilitate consequitur: & qui ad Paupe-
 rum fovendorum misericordiam pronus est, retributionem The-
 sauri Cælestis adipiscitur: & qui invidere non novit, qui que
 unanimis, & mitis fratres suos diligit, dilectionis & pacis præ-
 mio honoratur. In hoc virtutum stadio, ad has justitiae Palmas,
 & Coronas accipiendas Beatus DEI Servus VINCENTIUS à PAULO
 non solum ipse pervenit, sed alios etiam plurimos operā, &
 exemplō suō perduxit. Nam tanquam strenuus DEI miles de-
 ponens omne pondus & circumstans peccatum, propositum sibi
 certamen aliis virtute præcurrens inivit, & ad longævam usque
 senectutem adversus Principes, & Potestates, & Rēstōrēs mundi
 tenebrarum harum fortiter, ac legitime certavit, & de manu
 Domini in terra illa beatitudine meruit coronari. Quem au-
 tem DEUS, qui facit mirabilia magna solus, æternæ felicitatis
 præmio

præmiō donaverat in cælis, in terris quoque signis, ac prodigiis illustrem reddere voluit, eo potissimum tempore, quo in Galliis Novatores falsis, fictisque miraculis suos diffundere erores, pacem Catholicæ Ecclesiæ turbare, simplices ab unitate Romanæ Sedis abducere conabantur.

§. 2. Itaque divinæ obsequentes voluntati, ut ad currendam viam salutis excitentur Fideles, ut Perversorum coercentur pravitas, & Hæreticorum confundatur improbitas, Servum DEI VINCENTIUM ab universo fideli Populo, cuius regimini superna dignatione immerentes præsidemus, Sanctorum cultu & honoribus colendam, ac venerandum hodiernâ die Apostolicâ auctoritate decrevimus. Exultet igitur, & gaudeat Ecclesia, novum à DEO Patronum sibi oblatum esse, qui pro peccatis populi apud Dominum preces adhibeat. Laudent eum universi fideles, & eo cultu, atque iis honoribus prosequantur, quibus DEUS in Sanctis suis honoratur. In Psalmis igitur, in Hymnis, & Canticis spiritualibus, in compunctione cordis, & egenoruni miseratione præclararam de mundo, ac Diabolo relatam victoriani, & spiritualem Servi Dei triumphum celebremus. Tempa quidem in ejus honorem immortali DEO ædificantur; sed nos, qui Templum Dei sumus, humanæ pravitatis labe polluere, ac violare timeamus, demùsque operam, ne quid immunidum, aut Profanum Templo Dei, hoc est animæ nostræ inferatur, ne offensus, sedem, quam inhabitat, derelinquit. Ejus memoriae, & Altaribus dona, & munera offerantur, sed exhibeamus quoque corpora nostra hostiam viventem, Sanctam, Deo placentem, rationabile obsequium nostrum: Ejus denique religiosa simulacra, Sacraque Imagines in veneratione, & cultu habeantur: sed ejus virtutum egregiam formam, sanctaque conversationis imaginem divinâ opitulante gratiâ in nobis ipsis exprimere, ac repræsentare, quoad cujusque nostrum imbecillitas patitur, sollicitè studeamus.

§. 3. In humili pago, quem Ranquines dicunt Anquensis Diœcesis

eebris, ex pauperrimis, sed piis parentibus natus est VINCENTIUS à PAULO, qui à pueritia tanquam innocens Abel Pastor ovium fuit, & ad eum, & ad munera ejus respexit Dominus. Nam in innocentia vivens, de sua parsimonia, & abstinentia gratum Deo offerebat Sacrificium pietatis; siquidem farinam, dum à morta rediret, & panem sibi in tenuem victimum à Parentibus traditum, pauperibus distribuebat, impendens virtuti, quod propriæ subtrahebat sustentationi, ut fieret refectio pauperum abstinentia jejunantis, Ardentem enim pii adolescentuli charitatem paupertas non retardabat, licet parvum esset, quod posset de sua facultate decerpere, tamen animi magnitudine, census angustiam superabat. Itaque dimidium scutum, quod quotidiana parsimonia & industria, frugalitate è suis laboribus minutatim, collegerat, occurrenti misero totum elargitus est, ad exemplum illius pauperculae viduae, quæ à Domino meruit laudari, quia non ex eo quod abundabat illi, sed de penuria sua omnia, quæ habuit, misit totum victimum suum.

§. 4. Ab agresti, & pastoritia vita avocatus à patre Aquas missus est, ut in convictru Fratrum Ordinis Sancti FRANCISCI literis operam daret, Id autem sedulò, ac diligenter executus est, ea morum integritate, & erga Deum pietate se gerens, ut aquilibus exemplo majoribus admirationi fuerit. Hinc Tolosæ, deinde Cesareæ Augustæ in Theologiæ Studijs opera diligenter posita, castus, humilis, & modestus, & quales in sortem Domini vocatos esse decet, per omnes Ecclesiasticos Ordines ad Sacerdotii sublimem dignitatem ascendit.

§. 5. Vix autem fuerat Sacerdotali honore insignitus, inscius, & absens; cum fama ejus probitatis, & doctrinæ increbuisse, ad pingue beneficium præbendam nominatus est, quam, ut rescivit, sine judiciali controversia se adipisci non posse, sponte, ac libenter dimisit; nam amans potius injuriam accipere, & fraudem pati, quam judicio cum fratre contendere, uberi voluit carere proventu, quem sine lite ab Ecclesiastico viro, ut ipse aiebat, omnino fugienda, consequi non potuisset, §. 6.

§. 6. Interea ne aliis oneri esset, sed sibi, & pauperi Matri victum honestis laboribus, & laudabili industria subministraret humaniores literas in castro non ignobili, quod Buffetum vocant, Diocesis Tolosanæ, deinde in ipsa Urbe edocuit. Et quoniam ejus potissima cura, & vigil sollicitudo erat adolescentum mentes non rerum divinarum sterili dumtaxat notitia instruere, sed eorum animos ad cœlestem sapientiam amplectendam impellere, & mores ad sublimem Christianæ professionis virtutem, & sanctitatem informare. Nobiles viri certatim filios suos ejus curæ committebant, ut in via Domini, & Sanctorum scientia sub tanti viri proficerent Evangelicæ disciplinæ, & pietatis magisterio.

§. 7. Profectus Massiliam, ut pecuniam, quæ ex credito reliæ sibi hereditatis debebatur, acciperet, cum Massiliam Narbonem versus remeaturus Tolosam secundo vento navigaret, in Turcas incidit, qui navis Magistro, aliquique interemptis VINCENTIUM sagittâ vulneratum, vestibus exutum, & catenis onussum in Africam captivum abduxerunt. Multa & gravia à Turcarum savitia ne legem Domini sui desereret passus est, sciens non esse condignas passiones hujus temporis ad futuram gloriam quæ revelabitur in nobis.

§. 8. Narrant, cum forte unum è conservis suis sub gravi catenarum pondere miserè laborantem conspexisset, nec ad sublevandas miseri illius angustias haberet quod traderet, se ipsum dedisse in vincula, ut corporis sui dispendio alienam redimeret calamitatem. Duris agrorum culturæ laboribus immitti ab hero addictus fuerat, qui ultimus extitit, (nam tres toto captivitatis tempore habuit) eumque saepè consueverat una ex concubinis herilibus adire, quæ à nativitate professione Mahometana, Christianæ tamè Religionis instituta, & fidem audiendi percupida erat. Quâdam die cum plura de Deo, & Christianâ Religione rogasset, jussit, ut aliquid cantaret ex Canticis Sion. Tunc vero Servus Dei Psalmum illum (super flumina Babylonie

illie

illic sedimus, & flevimus} aliaque pia carmina cecinit; dum autem ad incircumcisas Mahumetanæ aures Sacrum Domini canticum ex ore VINCENTII resonabat, DEUS operatus est in corde profanae fæminæ, ut aliquam coelestis dulcedinis svavitatem persentiret. Itaque domum regressa maritum qui à Christiana fide, ut Mahumetis sequeretur deliramenta, defecerat, convénit, eumque reprehendit Religionem suam reliquie, quam optimam esse censebat, tum ex iis, quæ de ore servi audierat, tum ex inusitata voluptate quam ex cantico perceperat quantâ neque in majorum suorum paradiſo se fruituram, esse sperabat. Verbis fæminæ commotus impius ille respexit foeditatem suam, eamque damnavit, atque exuere decrevit, adjuvantibus monitis, & orationibus probi famuli sui VINCENTII, qui cum recompositâ parvâ naviculâ, è Turcarum manibus in Gallias aufugit, ibique à VINCENTIO Apostolicæ Sedis Avenionensi Pro-Legato exhibitus, Sacris servatis ritibus, impositâque poenitentiâ Ecclesiæ reconciliatus est.

§. 9. Romam deinde Servus Dei se contulit, ut sacras Martyrum veneraretur exuvias, quorum sanguine expiata Urbs, quæ fuerat Sedes superstitionis, facta est Mater, & Magistra Religionis, & ut ad sepulchra Apostolorum se prosterneret, & Cathedram Petri adoraret cuius dignitas etiam in indigno here de non deficit.

§. 10. Reversus in Gallias, suadente eximiâ pietate virô Petro Berullo auctore Congregationis Oratorii JESU, & postea Sanctæ Romanæ Ecclesiæ Cardinali, primum in Parisiensi, deinde in Lugdunensi Diœcesi Parochiam administrandam suscepit, ubi factus forma gregis ex animo oves sibi commissas dirigen^s in viam Domini verbō pavit, & exemplō. Et quoniam messis quidem multa Operarii autem pauci juniores Clericos in ædibus suis aléndos, educandoisque exceperit, quibus cum communem vi tam agens eos in lege Domini instruebat, ut ad majorem pro vedi æstatem possent verbo Dei, & doctrina salubri Ecclesiam Domini ædificare.

§. 11.

§. 11. Fama pietatis VINCENTII, & odor bonæ ejus conver-
sationis pervenit ad Sanctum FRANCISCUM SALESIUM, qui eum
Sanctimonialibus Visitationis nuncupatis, quarum Monasteri-
um nuper Parisiis erectum fuerat, præposuit: in commissio autem
sibi difficulti ministerio vigil Sacrarum Ancillarum custos, & pru-
dens animarum rector ostendit, & opere comprobavit, quām
verum, & rectum esset judicium Sanctissimi Præsulis, qui sacerdo-
tem VINCENTIO digniorem nullum se nosse palam affirmabat.
Porro per quadraginta annos singulari prudentia, curâ, & sol-
licitudine, Sacris illis Virginibus ad viam salutis Beatus Dei
Servus consuluit, ut quæ à carnali concupiscentia recedentes
tām carne, quām mente se DEO voverant, consummarent opus
suum, & ad Dei munera per Divina præcepta pervenirent.

§. 12. Sed flagrans VINCENTII Charitas haud intra Sancti-
monialium claustra continebatur, sed cùm probè intelligeret
nullam esse excellentiorem, præstantioremque curam, quām quæ
curandis, sanandisque animis collocatur, ad ineundam spiritu-
alem pugnam contra concupiscentiam carnis, & pravitatem
mundi, contra superbiam, & malitiam sacerduli, contra calamiti-
tates, & miseras filiorum Adam, contra parvolorum ignorantiam,
contra demum spirituales nequitias instruxit exercitus
fortium, qui præliarentur prælia Domini. Nam anno millesi-
mo sexcentesimo vigesimo quinto instituit Congregationem
Presbyterorum Sæcularium Missionis, qui contemptis atque de-
sertis mundi hujus illecebris in communem vitam castissimam,
sanctissimamque congregati, nihil proprium habentes, simul ex-
tatem agerent, viventes in orationibus, in lectionibus, in ex-
hortationibus, aliisque spiritualibus exercitiis, quibus Clericos
Sæculares in scientia Domini, in Ecclesiasticis ritibus, & sacrō
instruerent ministerio, Laicos autem mandatorum Divinorum,
rerumque coelestium meditatione eis propositā ad viam salutis
currendam accenderent: qui perpetuō votō ad peragendum Apo-
stolicum Sacratum Missionum opus, præsertim in Pagis, in Vil-
lis,

lis, locisque Campestribus, ubi jacentibus in tenebris, & umbra mortis raro Evangelicæ veritatis lumen affulget, se Deo obstringerent: qui nullâ superbiam tumidi, nullâ pervicaciâ turbulenti, nullâ invidentiâ lividi, sed modesti, verecundi, pacati, concordissimam vitam, & intentissimam in D̄eum, proximique salutem, gratissimum munus omnium bonorum datori offerrent.

§. 13. Christiana autem Charitas erga Proximum, quæ à Charitate Dei tamquam à fonte proficitur, & mirabiliter quodammodo tanquam gradibus per eam ad perfectum DEI amorem ascenditur, non solum providet saluti animarum, sed etiam corporis indigentiis consulit. Itaque Servus DEI perfecta ardens charitate, & animis, & Corporibus subvenire, ac benefacere satagebat, agebatque, quantum poterat, ut proximus salvus corpore, salvisque animo esset, ita tamen, ut omnem corporum curam ad salutem animarum, de qua potissima debet esse sollicitudo, referret. Quamobrem totis miserationis visceribus compatiens calamitatibus, & angustiis miserorum, praesertim ægrotantium, Senum, Puerorum, Puellarumque, qui viribus infirmi, ac debiles sibi succurrere non valentes, saepè necessariò destituti auxilio, suis miseriis opprimuntur, Societatem Puellarum Charitatis nuncupatarum fundavit, quæ Senibus, Pueris, egenis, & omnis generis ægrotantibus curandis inserviendisque diu noctuque allaborarent.

§. 14. Præterea non solum in singulis Urbium, sed etiam Pagorum, & Villarum parœciis sodalitates Matronarum instituit, quarum sollicita cura, & diligenti sollicitudine miserorum pressuræ, & angustiæ levarentur, ægrotantibus remedia tam Corporalia, quam Spiritualia, calamitosis opes atque auxilium, egentibus pecunia, nudis vestimenta, afflictis consolatio afferretur; Erigendas etiam curavit, variisque in locis jam antea erectas adjuvit, maximèque promovit Societates Puellarum Crucis, Providentiæ, & Sanctæ Genovefæ, à quibus educantur, instruerenturque in famineis opificiis, honestisque moribus

bus pauperes puellæ, ne in maturorem ætatem adulteri igno-
rantiâ Dominicæ legis, aut Divinorum Mysteriorum inscitiâ la-
berentur, vel otiosæ discerent circumire Domos, & loquentes,
quæ non oportet retrò Satanam converterentur, vel manibus
laborare nescientes domesticis oppressæ difficultatibus ad flagi-
tia, & peccatâ, inopiâ & egestate impellerentur.

§. 15. Insuper hospitium pro amentibus custodiendis, Do-
mum ad immorigeros adolescentes corrigendos, & amplum ho-
spitale ad fovendos, alendosque Senes, & Artifices, qui ad sibi
viârum manibus suis quærendum impotentes, calamitate aliquâ
evaserunt, ædificavit. Demum valetudinaria pro infirmis Re-
migibus, qui prius in antra more bestiarum detrucebantur, Pa-
risiis & Massiliæ cō enixè procurante regiâ liberalitate constru-
cta, & dotata fuere, in quæ miseri illi ægritudine laborantes
translati, & Spiritualibus & Corporalibus subsidiis recreantur.

§. 16. Eximia enim VINCENTII probitas, vitæque integritas
cō magis, magisque in diem elucens, quō studiosius ab ipso oc-
cultabatur, claræ memoriæ Ludovico XIII Galliarum Regi in-
notuerat, ideoque vivens ejus operâ ad distribuendas occultas
clēmosynas, ejusque consiliō in nominandis Clericis ad Epi-
scopales Cathedras, & Ecclesiastica beneficia utebatur: moriens
in ultimo illo agone VINCENTIUM sibi adjutorem, consultorem
que esse voluit.

§. 17. Post verò illius obitum claræ memoriæ Anna Austri-
aca illius uxor, & Galliarum Regina eum licet reluctantem, &
invitum in sanctius conscientiæ consilium adscivit; ipse autem
ubique, & in Palatio inter aulicos, & domi inter suos Missi-
onis alumnos, & in foro inter Cives, & in privatis domibus
inter egentes, & calamitosos, & in publicis hospitalibus inter
Senes, & ægrotoss & in villis, ac pagis inter villicos, & agre-
stes, & in Sacrarum Virginum asceteriis, & in Ecclesiasticis
Clericorum conventibus, & ubique inter omnes, charitatis offi-
cia obibat, sanctitatis lucem diffundebat, bonum Christi odo-

rem disseminabat, siquidem in regia domo saceruli vanitate contempta, & divitiis, ac honoribus conculcatis ad DEUM conversas, & in Cælo fixas omnes cogitationes suas habebat. Itaque ejus præcipua cura fuit, ut Parochialibus Præbendis, Ecclesiasticis dignitatibus, & beneficiis, quæ sunt bona pauperum, & patrimonium Christi digniores præficentur, & cum Nobiles viri filios suos commendarent, & promissis aut minis urgerent, vel speranda præmia irrisit, vel prætentas minas calcavit. Neque anima fortis & robusta detrimento hereditatis Christi, & Crucis dispendio potentes sibi optavit amicos, aut de communitatis malis trepida inimicos formidavit.

§. 18. Inter suos autem Sacrarum Missionum Socios, quos secum præsertim ad rusticos, & agrestes fidei Catholicæ mysteria & divina præcepta edocendos voto obligari, tum etiam clero ritè instituendo, aliisque charitatis operibus addici voluerat, robore accinctus ex alto, toto peregrinationis, ac conversationis suæ tempore fidelem se Ministrum, strenuumque, ac indefessum vineæ Domini cultorem, atque operarium exhibuit.

§. 19. Cum autem illorum regimen, non ut quidam, vim fecisset, ut adipisceretur, sed vim passus esset, ut acciperet, ita versabatur, ut omnes intimis charitatis visceribus completeretur. Curabat enim, ne quem tristitia affligeret, ne cogitatio secularis urgeret, & vigili pietatis dispensatione providebat, ne illum nimius labor gravaret, ne nimia hic quiete torpesceret, alentes corpore avocans à desidia, ferventes spiritu cogens ad requiem, suave Christi jugum omnibus allevans, & quidquid Diabolus injecisset, omnes in Sanctam Animarum societatem, & perfectam Christi charitatem, unitos ad currendum Christianarum virtutum stadium, verbō, & exemplo animabat.

§. 20. Ipse autem, qui omnibus Santitatis meritō, & dignitatis gradu anteibat, humili animi demissione inferior erat, semetipsum palam hominem distabat nūbili, filium villici, & olim gregis addicatum custodire, perpetuā suā Congregationis præfeturā

præfecturâ in generali conventu se ineptum & imparem mune-
ri ferendo præ humilitate affirmans se abdicavit, & efflagitan-
ti in locum sui alium substitui, ab iteratis totius Conventus
precibus vis ei quodammodo illata est, ut imposterum exerce-
ret. Etenim quò sublimius ad Sanctitatis altitudinem, DEUM
cognoscendo, & amando ascendebat, eò inferius agnitione &
contemptu sui se demittebat; ideo vilissima quæque dominus
obibat officia, & saepè genibus flexis & fluentibus lachrymis
veniam à suis petebat, quod malis exemplis aliorum animos
offendisset. Ob eximiâ pietatis opera excellentesque virtutes
summam gratiam adeptus erat in aula regia: Plurimi enim fa-
ciebat eum Galliarum Regina, & apud omnes tum Episcopos,
tum Cardinales, aliosque Optimates, & Ecclesiasticos, & Secu-
lares, & apud omnes cuiusvis generis statûs, & conditionis
homines magno in honore, & existimatione habebatur. Ipse
verò coram DEO omnium bonorum datore humilians se, nihil
vanum aut superbum, nihil procax aut inverecundum, nihil
intemperans aut immoderatum, vel in opere, vel in sermone
præ se ferebat, sed omnia ordinata, & ad Christianam discipli-
nam, & Evangelicam Sanctitatem composita aperte ostende-
bat, nihil intus latere tenebrarum, ubi foris tanta lux virtu-
tum præfulgebat.

§. 21. Temporum iniquitas & Civilium bellorum tumultus
Galliarum Cleri sanctitatem, inventâ ignorantiâ corruptisque
moribus labefactaverat, ad reparandum decorem Domus DEI,
restituendamque Ecclesiasticam Disciplinam, vires omnes & co-
gitationes suas VINCENTIUS intendit. Itaque ut restauraretur
Ecclesiastica Disciplina vigor, qui languore vitiorum cœrva-
tus fuerat, Religiosas Domos recipiendis Clericis, qui ad Sa-
cerdos Ordines promovendi essent, assignavit, eosque in Sacris
Ritibus peragendis, sanctisque moribus efformandis, qui ad
gradus dignitatem responderent, per se suosque Missionis So-
cios instruendos curavit. Hinc autem Sacrarum Cœmonia-
rum

rum nitor, & venerabilis observantia in multas Galliarum Ecclesiās revocata est.

§. 22. Insuper cætus adunavit Sacerdotum, qui statutis diebus de Divinis rebus inter se conferrent, & se in sacris disputationibus exercerent, ut potentes essent exhortari in doctrina sana, & eos, qui contradicunt arguere.

§. 23. Exemplō autem Moysis, qui priusquam à DEO præceretur Isrælitico Populo, ut eum & captivitate liberatum per desertum ad sacrificandum DEO in Monte, & deinde ad Terram promissionis deduceret, à strepitu Pharaonis aulæ aufugit in solitudinem: ita Clericis in sortem Domini vocatis, qui in hujus mortalis vitæ terra deserta, & inaquosa ad Altare Domini ministrantes verbō, & exemplō Sanctæ DEI Plebi tendenti ad Cœlestem patriam excusso Diabolicæ captivitatis jugo præire debent, author fuit, ut priusquam ad Ecclesiasticos gradus ascenderent, à mundanis tumultibus in Sanctam secedentes solitudinem per aliquot dies Divinis rebus meditandis, contemplandisque sui muneris officiis vacarent.

§. 24. Profectò non solum DEI Servus VINCENTIUS egregius fuit Ministrorum Altaris Institutör, sed & boni, & fidelis Dispensatoris formam in se exhibuit. Nam erat veluti omnium egentium, & miserorum perfugium, & cuiusvis generis pauperes, erogatis etiam nonnunquam, quæ sibi, suisque Missionum sociis videbantur necessaria, ita largis sublevabat Eleemosynis, ut communiter Pauperum Pater nuncuparetur. Assiduam, licet jam proiectus esset ætate, Apostolicò Sacrarum Missionum ministerio dabat operam, hic illuc alis charitatis super omnem laborem, & super senilis ætatis vires volitans, lucem Evangelicæ veritatis, & divinorum mandatorum scientiam ambulantibus in tenebris, & vitiorum caligine præferebat, præsertim pauperim villarum, & pagorum incolis, quos lumine Christianæ Fidei destitutos, in ignorantiae nocte per devia aberrantes, in viam Domini reducebat. Et quoniam Charitas mensu-

ram

ram non habet, servi DEI virtus Galliarum terminis restricta non est, sed longe latèque diffusa eluxit: nam ad amplificandam fidem & pietatem Evangelicos misit ex suis Alumnis Operarios non solum in Italiam, Poloniam, Scotiam, Hyberniam, sed etiam ad barbaros, & Indos, nostrisque terris dissociatas Gentes, quas suorum Alumnorum opera dispersis Idololatriæ tenebris ad lucem veritatis adduxit.

S. 25. In remotis autem provinciis animarum salutem expetens, corporum etiam egestatibus consulere non omittebat, ut per temporalia subsidia carnales homines ad DEUM attraheret. Itaque non modo Lotharingiam, Campaniam, Picardiam, peste, fame, belloque vastatas largiter refecit missis ingentibus pecuniarum summis, ad quas distribuendas fidei operæ Puellarum Charitatis utebatur, sed in aliis etiam remotissimis regionibus, hominibus inopiis, aut calamitate aliquâ laborantibus subvenit. Et cum ipsa Parisiorum Civitas ingenti annonæ peruria gravissime vexaretur, domi sua ad duo millia pauperum sustentavit.

S. 26. Et quamquam variis multisque tum Regiae aulæ, tum suæ Congregationis, aliorumque locorum, quæ fundaverat, vel quorum curam habebat, dissentus negotiis esset, in quibus omnibus indefessam ad DEI gloriam navabat operam, tamen omnium necessitatibus subveniebat, omnium sublevabat angustias, nullum a se repellebat, omnes in CHRISTO completabatur. Profecto mirum erat, quod nemini ad se negaret aditum, faciles omnium postulationibus accommodaret aures, blande responderet, comiter exciperet, nullius concitarer invidiam, sed omnibus omnia factus, aliorum curaret corpora, aliorum sanaret spiritus, & prout quisque indigens erat, aut vestimenti, aut sumptibus, aut doctrinâ, vestiret, aletet, instrueret, ostendens quemadmodum, etsi non omnibus omnia, omnibus tamen charitas, nulli debeatur injuria. Etenim injurias quæ ab aliis sibi propter justitiam inferebantur, tantum absfuit, ut cum facile posset.

lē posset, ulcisceretur, quin neque unquam de illis queri auditus fuerit, quia de se humiliter sentiens, illas, si quando accipiebat, meritō se pati judicabat. Itaque adeo patienti animō eas tulit, ut à convicium sibi faciente veniam flexis genibus petiverit, percutienti autem maxillam, alteram humiliter præbuerit.

§. 27. Militibus cæcā rabie, & insano furore infortunatum quemdam artificem jam vulneratum nudis gladiis, ut morti traherent, persequentibus, corpus suum opposuit, & se in apertum vitæ discrimen objecit, ut DEO lucaretur, quem è fauibus præsentis mortis periculo capitī & sanguinis sui eripuisset, & quidem tantā tamque inusitatā animi fortitudine attonitis, & verbis Servi DEI mollitis militum animis, pacati recesserunt; miser autem ille vivus evasit.

§. 28. Sed quoniam Dominicus ager, eujus nos operarii sumus, rorante desuper gratiā DEI, fide munitur, jejuniis exercetur, elemosynis seritur, orationibus secundatur; ideo Beatus VINCENTIUS, ne mortalis corporis spirituali culturā neglectā, generosum germen periret, & innascentibus spinis, ac tribulis ea producerentur, quæ urenda sunt flammis, non quæ Dominicis horreis reconduntur, membra sua domare ciliciō, conterere jejuniis, aliisque pœnitentiæ operibus, præcipue in communib[us] totius Galliarum Regni, & Catholicæ Ecclesiæ calamitatibus consyevit.

§. 29. Si in negotio aliquo gravi, & difficiili sententiam rogatus, responsum dare cogeretur, aut si aliquid arduum, & insolitum faciendum sibi prōpositum esset, DEUM, ut Sanctus Rex David, priusquam rem aggredieretur, consulebat, & supplex à Patre lumen postulabat, ut menti suæ lucem ejus claritatis infunderet, quæ & quæ respondenda, aut agenda essent, perspicceret, & quæ cognita, & perfecta essent, Divinā præveniente gratiā lequeretur, & quod bonum, & placitum DEO esset, eā adjuvante perficeret; quoties ē cubiculo domūs suæ prodibat in publicum

publicum se coram D^EO in terram prosternebat, & divinam opem enixis, sed brevibus precibus implorabat, ne transiens, licet invitus, per semitas s^ac^uli, & terrena, ac munda- na tractans, c^anō filiorum hominum inquinaretur. Ubi verò domum rediverat, intrabat secreta cordis sui, & latitantem conscientiam, ad examen vocabat, & cogitationibus inter se in vicem accusantibus, aut etiam defendantibus sollicitè inqui- rebat, studiosè emendabat, severè puniebat; si quid imprudens ex ore excidisset, aut incautè operatus esset. Adeò diligens erat in custodiendis viis Domini, qui mandavit mandata sua custodiri nimis.

§. 30. Assidue autem orationi deditus à divinarum rerum contemplatione nullis turbis, nullis rebus aut l^atis, aut tristi- bus abstrahebatur. D^EUM enim semper præsentem menti ha- bebat, & in ejus conspectu stabat; omnia autem, quæ ipsius oculis obversabantur, diligentⁱ cura, sanctaque industriæ esse- cerat, ut rerum omnium C^{re}atorem in ejus mentem revocarent, & D^EI gloriam, divinasque laudes ei suo modo loquentes ad cœlestem pulchritudinem contemplandam excitarent. Itaque semper modestus, & mitis, mansuetus, & benignus, in omni- bus mirabili animi æqualitate utens, neque l^atis efferebatur, neque turbabatur adversis, quia cum Prophetā dicere poterat: Providebam Dominum in conspectu meo semper, quoniam à dextris est mihi, ne commovear.

§. 31. Ab incruento Altaris Sacerficio nunquam abstinuit. ita vivens, ut quotidie offerre posset. Et quia nonnullis ante obitum mensibus ob tibiarum morbum gravissimè adau- dum pedibus insistere nequibat, aderat quotidie Missæ Sacri- ficio, & Pane Angelico refectus post humilem gratiarum- actionem solempnes Ecclesiæ preces pro Agonizantibus præ- scriptas veluti propediem ex corporeo carcere ad cœlestem Pa- triam migraturus pro animi sensu recitabat.

32. Viva enim in D^EUM fide animabatur, cuius dum vixit

strenuus defensor, & propugnator fuit; nam exorta in Galliis
hæreticâ tempestate, quæ turbine suo cuncta turbaverat, in-
gemuit DEI Servus, postquam sensit Catholicam Fidem in ple-
risque Jansenianâ labi violari, & ab Hæreticorum astutia plu-
rimorum illudente simplicitati ex omni ordine multos in pra-
vum sensum trahi. Itaque sancto DEI zelo succensus contra
communes hostes arma fidei arripienda censuit, & querens DEO,
non hominibus placere, Sacros Ecclesiaz Pastores excitavit, ut
supra Christi Domini ovile excubias agentes, non sinerent Lu-
pos rapaces Dominicas oves latentes occidere. Itaque eo,
quantum poterat, hortante, ac suadente, octoginta quinque
Galliarum Episcopi, quibus postea alii adjuncti sunt, clam irre-
pentem morbum, & latentem pestem ad culmen Apostolatus,
ad Cathedram Petri detulerunt, ad quam pericula quæque, &
scandala in regno DEI emergentia, ea præsertim quæ fidem la-
dunt, referenda sunt, ut ibi potissimum damna fidei resarcian-
tur, ubi nequit fides sentire defectum. Itaque datis ad felicis
recordationis INNOCENTIUM X. Prædecessorem Nostrum literis
Galliarum Præsules humillimis precibus postularunt, ut Apo-
stolico ore pullulantes damnarentur errores, quo suis consta-
bilita regulis Ecclesia, & eo, quod illi timebant, pronuntiati-
onis justæ firmata Decreto, improbis ad eam aditus patere non
posset, qui perversis instructi verborum ambagibus, & callidis
argumentorum argutias sub imagine Catholicæ fidei disputantes,
& pestiferum exhalantes virus hominum recte sentientium in-
deteriorem partem corda corrumpere, & totam veri dogmati-
de libero arbitrio, & Gratiâ DEI, & hominum redemptione
per passionem, & mortem CHRISTI Domini quærebant ever-
tere veritatem.

§. 33. Ubi vero responsum Româ venit, Decretum Succe-
soris Petri submissa animi veneratione suscepit, & exultans in
Domino Sententiâ Apostolicæ Sedis causam finitam esse, ut
tandem finiretur error, summò studio allaboravit; & prima ejus

cura, ac sollicitudo fuit, ut ab omnibus Religiosis Cœtibus, quos ipse fundaverat, vel quorum curam gerebat, ut occulta Catholicæ Fidei inimica pestis arceretur, ne rabidae alicuius partis contagione sana quoque membra corrumperentur. Præterea magnam noscens esse pietatem, prodere latebras impiorum, & ipsum in eis, cui serviunt, Diabolum debellare Apostolicâ libertate, qualis in negotio fidei Servum DEI decet, Regem, Reginam, Regiosque Ministros commonere non destitit, ut debitum poenitentiam contumaces ad obedientiam inducerent, pertinaces vero in suis erroribus è toto Galliarum Regno tanquam pestiferam luem propellerent, atque ita Secularis distitio prodesset Ecclesiasticæ lenitati, quæ etsi Sacerdotali contenta judicio cruentas refugit ultiōes, severis tamen Christianorum Principum constitutionibus adjuvatur, dum ad spirituale nonnunquam recurrent remedium, qui timent corporis supplicium.

§. 34. Demum plenus dierum, & meritorum, cùm ad octogesimum quintum suæ etatis annum pervenisset, non minus seniō, quam corporis laboribus, quos pietatis operibus, & animarum saluti jugiter intentus, alacriter suscepserat, & ad extremum usque spiritum fortiter toleraverat fractus, & Ecclesiæ Sacramentis munitus, cœlestia anhelans, terrena despiciens, Sacerdotibus extrema Religionis officia præbentibus ad yerba illa sibi familiaria: DEUS in adjutorium meum intende: Respondens, Domine ad adjuyandum me festina; non de suā virtute, sed de Divino adjutorio confisus, Parisiis in domo Sancti LAZARI Presbyterorum Sæcularium Congregationis Missionum, felicer cursum consummavit quinto Kalendas Octobris Annō millesimō sexcentesimō sexagesimō.

§. 35. Post ejus mortem longè, latèque fama Sanctitatis percrebuit, quam etiam multis DEUS contestatus est signis & miraculis, quibus admirabilis ejus Providentia abundantiore exanimis Servi sui reliquiis venerationem conciliavit, decla-

rans, quanto in honore apud DEUM ejus anima esset, cum apud ejus Corpus, quod vitâ emigrante tanquam deforme remanserat, tam evidenter præsens vitâ Dator apparet.

§. 36. Itaque Parisis duo Processus, ut moris est, auctoritate ordinariâ constructi fuerunt, alter super fama Sanctitatis, virtutibus, & miraculis; alter verò super cultu non exhibito, quibus permisso felicis recordationis CLEMENTIS XI. Prædecessoris Nostri apertis, eorumque validitate in Sacrorum Rituum Congregatione approbatâ, die quartâ mensis Octobris Annô Domini millesimô septingentesimô nonô, commissio Introductionis causæ signata fuit, subinde præmissis omnibus quæ ex Apostolicæ Sedis præscripto in hisce causis exiguntur, tractatum est, an constaret de virtutibus Theologalibus, & Cardinalibus in gradu heroico; post ultimam autem Congregationem Venerabilium Fratrum Nostrorum Sanctæ Romanæ Ecclesiæ Cardinalium sacris Ritibus Præpositorum, quæ generalis fuit, piæ memorie BENEDICRUS XIII. qui nobis in Pontificatu præcessit die vigesimâ primâ Mensis Septembbris Annô Domini millesimô septingentesimô vigesimô septimô decretum videlicet constare de virtutibus, tum Theologalibus, tum Cardinalibus in gradu heroico publicari mandavit.

§. 37. Ventum est deinde ad examen miraculorum, quod peractum fuit in tribus Congregationibus, quarum ultima generalis habita fuit die decimâ secundâ Mensis Julii ejusdem anni, & approbata fuerunt quatuor miracula, scilicet: Primum subitæ sanationis Claudii Josephi Compoin à cæcitate: Secundum instantaneæ largitionis loquelæ, & virium Mariae Annae Lhullier puellæ octenni à nativitate mutæ, & ad motum artuum inferiorum impotenti; Tertium instantaneæ sanationis Sororis Mâthurinæ Guerin ab inveterato, & maligno ulcere intibâ: Quartum verò subitæ sanationis Alexandri Philippi le grand ab inveterata, & contumaci paralysi.

§. 38. Quod autem de miraculis à præfatâ Rituum Congregatione

gatione judicatum fuit, idem BENEDICTUS Prædecessor Noster confirmans, ejusdemque Rituum Congregationis esse locum solemnni Servi DEI Beatificationi pronuntiantis Decreto annuens die decimâ tertîâ mensis Augusti Annô Domini millesimô septingentesimô vigesimô nonô, VINCENTIUM à PAULO in Beatorum numerum adscripsit, & ut de Beato DEI Servo quotannis die anniversariâ felicis ejus obitûs quibusdam in locis Officium recitaretur, & celebraretur Missa de Confessore non Pontifice juxta Rubricas Breviarii, & Missalis Romani Apostolicâ authoritate indulxit, ac deinde ut ejusdem Servi Dei nomen inter Sanctos, qui in Romano Martyrologio leguntur referretur, & propriæ de eodem Beato VINCENTIO lectiones à prænomina- ta Rituum Congregatione auditio fidei Promotore approbatæ in secundo Nocturno publicè recitarentur permisit.

§. 39. Expeditis postea literis remissorialibus, & compulsorialibus pro confiando consueto Authoritate Apostolicâ processu super novis miraculis, quæ supervenerant post decretam ejusdem Servi Dei Beatificationem, eoque ad Urbem delatō, & ejusdem validitate recognitâ, præmissis consuetis Congregati- onibus præparatoriis & antipræparatoriis nuncupatis, miracu- lorum examen delatum est ad Nos, qui eidem BENEDICTO XIII. in Sacro Apostolatus onere Divinâ disponente Bonitate suc- cessimus, & Congregatione generali coram Nobis habitâ die trigesimâ mensis Januarii Annô Domini millesimô septingen- tesimô trigesimô sextô, auditis Venerabilium Fratrum Nostro- rum sententiis, post imploratum Divinæ opis præsidium die vi- gesimâ quartâ mensis Junii ejusdem Anni, duo ex septem, quæ afferebantur miraculis, plenè approbabimus, videlicet: Primum, instantaneæ sanationis Mariæ Teresiæ à Sancto Basilio à putri- dis, & diuturnis ulceribus cum longâ & contumaci urinæ re- tentione, atque enormi hydrope: Et secundum, instantaneæ sanationis Francisci Richer ab hernia perfecta, inveterata & desperata.

§. 40. Quod cùm à Nobis peractum fuisset, habità iterum eorum Nobis generali Congregatione, in deliberatione positum est, an tutò procedi posset ad solemnem Beati VINCENTII à PAULO Canonizationem, & unanimi voto Venerabilibus Fratribus nostris Sanctæ Romanæ Ecclesiæ Cardinalibus, assentientibus, decreatum de peragenda Canonizatione solemniter pronuntiavimus.

§. 41. Pluribus mensibus postea elapsis Nos Consistorium secretum de more convocati jussimus, in quo dilectus Filius Antonius Felix tituli Sancta Praxedis Presbyter Cardinalis, Zondadarius nuncupatus; suo, & totius Congregationis sacrorum Rituum nomine primum retulit, Scripturas, Processum, omnique causa acta ritè confecta fuisse, & plenissimam Authoritatis, & legitimæ probationis vim obtinere, deinde Beati VINCENTII vitâ, virtutibus, ac miraculis diligenter expositis, se & cæteros dictæ Congregationis Cardinales unanimi suffragio censere, Beatum VINCENTIUM, si ita nobis videretur, posse in Sanctorum Catalogum adscibiri, in quorum sententiam reliqui omnes Cardinales, qui præsentes aderant, concesserunt.

§. 42. Quare in tam sancto, ac grayi negotio nihil omnino necessariæ diligentia prætermittentes ex more, institutoque Majorum decrevimus, ut ad ulteriora procederetur, & post non nullos dies publico Consistorio congregato, in eo dilectus filius Thomas Antamorus Consistorialis Aulæ nostræ Advocatus, eximiâ Beati VINCENTII charitate, vite innocentia, & miraculis copiose enarratis, Charissimi in Christo filii nostri Ludovici Francorum Regis Christianissimi, & Charissimæ in Christo filiæ Mariæ eorumdem Francorum Reginæ Christianissimæ ejus Conjugis, aliorum Catholicorum Principum, nec non Venerabilium Fratrum nostrorum Archi- & Episcoporum & Episcoporum, & universi Cleri Regni Galliarum, totiusque insuper Congregationis Presbyterorum Secularium Missionis nomine, ut Beatum VINCENTIUM in Sanctorum catalogum referre vellemus, suppliciter à Nobis postulavit. Nos autem pro rei gra-

rei gravissimæ magnitudine maturius adhuc cum Venerabilibus Fratribus nostris Sanctæ Romanæ Ecclesiæ Cardinalibus, & cæteris Archiepiscopis, & Episcopis deliberandum esse censes, publicas orationes, & jejuniæ indiximus, atque omnes Christi Fideles hortati sumus, ut DÉUM Nobiscum precarentur, ut daret Nobis Spiritum Sapientiæ, & intellectus, quò hæc arca-næ coelestia, quæ ratione humana comprehendendi non possunt, cognosceremus, & illuminaret oculos mentis nostræ, ut quid in hac gravissima Causa secundum divinum beneplacitum sta-tuendum esset, perspicceremus.

§. 43. Deinde aliud Consistorium semi publicum à Nobis habitum est, in quo etiam Patriarchas, Archiepiscopos, & Episco-pos in Curia Romana existentes, Protonotarios quoque nostros, qui ex numero dicuntur, & Sacri Palatii Apostolici Causarum Auditores interesse jussimus, quibus præsentibus cum plura à Nobis de eximiâ Sanctitate Servi DEI, ac miraculorum celebri-tate commemorata fuissent, recensitis etiam instantiis Catho-licorum Principum, & præsertim enixis precibus universæ Congregationis Presbyterorum Secularium Missionis, omnes roga-vimus, ut quid censerent, liberis suffragiis exponerent; illi autem singuli ex ordine gravibus sententiis dictis responderunt uno ore benedicentes DÉUM, Beatum VINCENTIUM inter Sanctos Confessores reponendum esse: horum omnium auditio com-sensu, intimo cordis affectu exultavimus in Domino, qui con-cordes efficeret Fratrum nostrorum voluntates, ut nomen ejus glorificaretur in Servo suo, ad quem honorandum, quantum homines mortales possunt, corda nostra impelleret, & mentes nostras illustraret. Itaque Canonizationis diem indiximus, eosque monuimus, ut in orationibus, ac jejuniis perseverantes, Nobis in tanto opere exequendo supernum lumen atque au-xilium impetrarent.

§. 44. Omnibus autem ritè absolutis, quæ ex sacris Consti-tutionibus, Romanæque Ecclesiæ consuetudine peragenda erant, hodie,

hodie, quæ fuit dies Dominica Sanctissimæ TRINITATIS in Sacrosanctam Lateranensem Basilicam decenter ornatam, cum Venerabilibus Fratribus nostris S. Romanæ Ecclesiæ Cardinalibus, necnon Patriarchis, Archiepiscopis, & Episcopis, Romanæque Curiæ Prælatis, Officialibus, & Familiaribus nostris, Clerico Seculari, & Regulari, ac maximâ Populi frequentiâ convenimus, ubi repetitis pro Canonizationis Decreto petitionibus à dilecto filio nostro NEREO S.R. Ecclesiæ Diacono Cardinali, Corsino nuncupato, nostro secundum carnem ex fratre Nepote, per eundem Thomam Antamorum Advocatum, & decantatissimis sacris Precibus & Litaniis, ac Spiritu Sancti gratiâ humiliter imploratâ, ad honorem Sanctæ & Individuæ TRINITATIS, ad Exaltationem Fidei Catholice & Christianæ Religions augmentum, autoritate Domini Nostri JESU CHRISTI, Beatorumque Apostolorum Petri & Pauli, ac nostra maturâ deliberatione præhabitâ, & divinâ ope sapientius imploratâ, ac de Venerabilium Frattum nostrorum Sanctæ Romanæ Ecclesiæ Cardinalium, Patriarcharum, Archiepiscoporum in Urbe existentium consilio, & consensu, Beatum VINCENTIUM à PAULO Sanctum esse decrevimus, definivimus, ac Sanctorum Cathalogo adscripsimus, prout tenore præsentium similiter decernimus, designimus & adscribimus, illumque universos Christi fideles tanquam verè Sanctum honorare, & venerari mandavimus, & mandamus, statuentes; ut ab universali Ecclesia in ejus honorem Ecclesiæ, & Altaria in quibus Sacrificia DÉO offerantur, aedicari, & consecrari, & singulis annis die decimâ nonâ mensis Julii, memoria ipsius inter Sanctos Confessores non Pontifices pia devotione recoli possit.

§. 45. Eademq; autoritate omnibus Christi fidelibus verè pœnitentibus & confessis, qui annis singulis eodem Festo die ad Sepulchrum, in quo Corpus ejus requiescit, visitandum accesserint, septem annos, & totidem quadragenas de injunctis eis, aut alias quomodolibet debitissimis pœnitentiis misericorditer in Domino

Domino relaxavimus, & relaxamus in formâ Ecclesiæ consuetâ.

§. 46. His peractis DEUM Patrem Eternum, Regemque gloriæ Christum Dominum, Patris Sempiterni Filium, & Sanctum Paraclitum Spiritum, unum DEUM, unumque Dominum laudibus, & confessionibus venerati, sacrôque hymnô: Te DEUM solemniter decantatô, omnibusque Christifidelibus tunc præsentibus plenariâ omnium peccatorum suorum indulgentiâ, & remissione concessâ, propter corporales nostras infirmitates afflîtamque valetudinem, senilemque ætatem ab eâdem Lateranensi Ecclesiâ recessimus, remanentibus in eâ Venerabilibus Fratribus nostris Sanctâ Romana Ecclesiæ Cardinalibus, Archiepiscopis, Episcopis, & universo Clerô, & populo, quibus præsentibus à Venerabili Fratre Nostro Thoma, Sanctâ Romana Ecclesiæ Cardinali, Episcopo Prænestino, Russo nuncupato tanquam Cardinali in ordine antiquiori in Ara maxima præfatæ Basilicæ, ex indulto, & de licentiâ Nostrâ solemniter Missa cum Sancti ejusdem Confessoris commemoratione celebrata est.

§. 47. Decet autem Nos gratias agere, & gloriam dare DEO viventi in sâcula sâculorum, qui benedixit Conservum Nostrum in omni benedictione spirituali, ut esset Sanctus, & immaculatus coram ipso; & cum illum dederit nobis quasi fulgentem solem in Templo suo in hac nocte peccatorum, & tribulationum nostrarum; adeamus cum fiduciâ Thronum Divinæ misericordiæ, ore & opere supplicantes; ut Sanctus Vincentius universo Christiano Populo pro sit meritis & exemplo, precibus adsit, & patrociniô, & in tempore iracundiæ fiat reconciliatio.

§. 48. Cæterum, quia nimis difficile foret, præsentes Nostras originales Literas, ad singula loca, ubi opus esset, deferri, volumus, ut earum exemplis, etiam impressis, manu publici Notarii subscriptis, & sigillô alicujus personæ in dignitate Ec-

(26)


clericalis constituta munitione, eadem, quæ ipsis presentibus fidibus ubique adhibeatur.

§. 49. Nulli ergo omnino hominum licet hanc paginam nostrorum Decreti, adscriptionis, mandati, statuti, concessionis, elargitionis & voluntatis infringere, vel ei ausu temerario contraire. Si quis autem hoc attentare presumperit, indignationem Omnipotentis DEI, ac Beatorum Petri & Pauli Apostolorum ejus se noverit incursum. Datum Romæ apud Sanctum JOANNEM in Laterano, Annō Incarnationis Domini millesimō septingentesimō trigesimō septimō, sextō decimo Kalendas Julij, Pontificatus Nostri annō septimō.

✠ Ego CLEMENS Catholicæ Ecclesiæ EPISCOPUS.

QVAM

X27^o
QVAM MIRABILIA TESTIMONIA
TVA DOMINE.



- † Ego Franciscus Episcopus Ostiensis Card: Barberinus.
- † Ego Petrus Episcopus Portuen. Card: Ottobonus.
- † Ego Thomas Episcopus Praenestinus, Card: Ruffus.
- † Ego Ludovicus Episcopus Albanen: Card: Picus.
- † Ego Petrus Episcopus Tusculanus, Card: Corradinus.
- † Ego Joannes Antonius Tit: S. Laurentii in Lucina Cardinalis de Via.
- † Ego Antonius Felix Tit. S. Praxedis Presbyter Cardinalis Zondadari.
- † Ego Georgius Tit. S. Maria in trans Tyberim Card: Spinula.
- † Ego Ludovicus Tit. S. Prisca Cardinalis Belluga.
- † Ego Alvarus Tit. S. Bartholomei in Insula Cardinalis Cienfaegos.
- † Ego J. B. Tit. S. Matthei in Merulana Card: de Alterius.
- † Ego Vincentius Tit. S. Petri ad Vincula Presbyter Card: Petra Major Panitentiarius.
- † Ego Nicolaus Maria Tit. SS. Joannis & Pauli Card: Lercari.
- † Ego Franciscus Antonius Tit. S. Sixti Presb. Card: Finus.
- † Ego Fr. Vincentius Ludovicus Tit. S. Pancratii Presb. Card. Gotti Ordinis Predicatorum.
- † Ego

- † Ego D. Leander Tit. S. Gallisti Presb. Card: de Pörzia.
 † Ego P. Aloysius Carafa Card. Tit. S. Laurentii in Panc & Perna.
 † Ego Franciscus Burgesius Card. Tit. S. Silvestri in Capite.
 † Ego Vincentius Tit. S. Petri in Monte Aureo Presbyter Card:
 Bichius.
 † Ego Joseph Tit. S. Thomae in Parione Presb. Card. Firrao.
 † Ego Ant. Tit. S. Stephani in Monte Celio Presb. Card: Gentili.
 † Ego Fr. Jo. A. Card: Guadagni Tit. SS. Silvestri & Martini
 ad Montes.
 † Ego T. Card: de Acquaviva Tit. Sancte Cecilia.
 † Ego Dominicus SS. Quirici & Julitta Presb. Card. Riviera.
 † Ego Marcellus Tit. S. Mariae in Ara Cæli Presb. Card. Passari.
 † Ego Petrus Card: Aldrovandus Tit. S. Eusebii.
 † Ego Fr. P. M. Tit. S. Joannis ante Portam Latinam Card: Pieri.
 † Ego Josephus Tit. Sancta Pudentiane Presb: Card: Spinellus.
 † Ego L. S. Marie in Via Lata Prior Diaconorum Card. de Alteris.
 † Ego Carolus S. Agathæ in Suburra Diaconus Card. Columna.
 † Ego Fabius SS. Viti & Modesti Diaconus Card: Oliverius.
 † Ego Alexander S. Mariae in Cosmedin. Diac: Card: Albanus.
 † Ego Nicolaus S. Marie ad Martyres Diac: Card: Judice.
 † Ego Nerius S. Eustachii Diaconus Cardinalis Corsinus.
 † Ego B. SS. Cosme & Damiani Diaconus Ruspolius.

Locus  Plumbi.

Antonius Card. Prodatarius.

F. Cardinalis Oliverius.

VISA DE CURIA

N. Antonellus.

J. B. Eugenius.

Registrata in Secretaria Brevium.

Locus  Sigilli.

Ita est, Basilius Quintilius Curie Eminentissimi & Reverendissimi
 D. Cardinalis Alma Urbis Vicarii Notarius publicus in fidem.

Retro

(29)

Retro impressam Copiam, ex suo respectivè Exemplari Authentico, Romæ Typis impresso, subscripto, & Sigillō Culiculari communitō, exemplificatam, & reimpressam, collationatam, & in nonnullis locis, in quibus aliqui errores Typi fuerant deprehensi, correctam; cum prædicto suo Exemplari Authentico Romano concordare attestor. In Cujus rei fidem præsentes subscripti, & Sigillō Illustrissimi ac Reverendissimi D. PETRI FRANCISCI GIANNINI, Utriusq; Juris DOCTORIS, PROTONOTARIJ Apostolici, Auditoris Generalis, & Administratoris Nunciaturæ Apostolicæ in Regno Poloniæ &c. communivi Varsaviæ, hac die decimā quartā Mensis Junij. Annō Domini 1738.



STEPHANVS SKWARCZYSKI,
Publicus Sacra Authoritate Apostolicâ Notarius, ac Nunciaturæ Apostolicæ Supremæ Actorum Cancellarius.

mpp.

(30)
M I C H A E L
D E G R A N O W
W O D Z I C K I,
DECANVS, VICARIVS in Spiritualibus, & OF-
FICIALIS Generalis Cracoviensis, ABBAS
Commendatarius Wachocensis.

Universis & Singulis, quorum interest, intererit, aut quomodo-
libet interesse poterit, Significamus, & ad Notitiam indubi-
tam ducimus. Quia Nos introscriptum Exemplar, Varsavia in
Sacra Nunciatura revisum, & Legalisatum recognovimus, & admis-
simus, facultatemq; illud pro hac Diœcesi Cracoviensi reimprimen-
di ac publicandi, concessimus. In quorum fidem &c. Datum Cra-
cova Die 9. Mensis Augusti Annò Domini 1738.


(L.S.)

GASPAR SZCZEPKOWSKI,
CANONICVS Cracoviensis,
IVDEX Surrogatus.

mpp.



1234567890



21X

3. 35

Biblioteka Jagiellońska



stdr0026070

